

ایکینجی سنہ

نومرو : ۱

خزینہ اوراق

تاریخ ناسیسی

۱ مایس سنہ ۱۲۹۷



مؤسسی

محمود جلال الدین



تاریخ طبع
ونشر
۱۳۵۱
۱۳۵۱
۱۳۵۱

بو رسالہ ادیبہ جمعہ ایرتسی کونلری چیقار

عکس تصویرینی بودیدہ پرغده کورن
 دیرشنا ایلور اول افت جان قان ایچره
 ای (بدیع) اولدق آزاده اندوه وستم
 عمرمن کچدی بتون حال پریشان ایچره
 بونلر قسطمونی دن یازلمشده کوندرلمشدر



مشهور تپہ دئللی «علی پاشا» نك ترجمہ حالی

مشار الیہ ۱۱۶۷ سنہ ہجریہ سی اوائلندہ یایہ شہرینہ
 التمش میل مسافہدہ اولان وطاق واورمان ایلہ محاط بولنان
 (تپہ دئل) قضا سندنہ تولد ایتشدیر. ایکوز خانہ بی متجاوز
 اولیان اشبو قضا علی پاشا کی برجسور قهرمانک تولدیلہ
 مقتخر اولسه ایدی زیور صحیفہ تاریخ اشتہار اولزدی.
 فاملیاسی (ایساسی) نامی ایلہ معروف اولوب سلطان یایزید
 یلدرمک روم ایلی قطعہ سنی فتح و تسخیر ایلدیکی ہنسکامدہ
 ابراز اثار شجاعت کوسترن سر کردہ لردن بر یسنک سلالہ -
 سندندر. مرحوم علی پاشانک بیوک پدزی مختار بک دولت
 وملتہ برچوق خدمتی سبقت ایدوب جزایر سبعہ دن
 قور فواطہ سنہ ارناؤد لک ایتھامیلہ وقوع بولان محاربہ
 شدیدہ اراسندہ برچوق اثار شجاعت کوسترد کدنصرکہ
 سلاح بدست حیت و بسالت اولدیغی حالہ شہید اولمش

وخیر الخلف بر اقدیغی اوغلو (ولی) بکده پدر حیت اثرینک
 اثرینه اتباع ایتدیکندن سن رشده وصولیه برابر دولت وملتیه
 بک چوق خدمتکر کو سترک الکنهات بو خدماتنه مکافاتاً
 (دلویته) سنجاغیه تپه دلی بکلکنی احراز ایتش اولدیغی کبی
 قونیچه بکلکنک کریمه سیله عقد ازدواج ایدوب بوسبدن
 طولانی ارناؤدلیک ال بیوک فاملیار یله وبا خصوص (برات)
 والیدی اولان وزرادن قورد پاشا ایلسه ده قرابت پیدا
 ایتشدر. اطراف وجوارده بولنان بککر و اغار ولی بکک
 بویله بردنبره پارلامسینی چشم اغراض و کین ایله کوره رک
 بالاتفاق علیهنده بولمغه قرار ویرمشلردی. ولی بکک
 نهایت دشمنلرینه مقاومت ایده میه جکنی تیقن و قرق بش
 یاشنده اولدیغی حالدده مخدومی علی بکی و کریمه سی شهنشاه
 خانی والیده لری (خانقو) خانمک آغوش مادرانه سنه
 براقه رق ترک دغدغه دنیا ایله جانی ایصال عالم علین
 ایشدر. ولی بکک جاریه لرندن دهها برچوجغی اولمش
 ایسه ده بونک اسمی لایقیله بیلنه مایشدر. علی بک پدرینک
 وفاتنده هنوز اون اوچ اوندرت یاشنی تکمیل ایتما دیکنندن
 قونیچه بکک کریمه سی اولان والیده سی خانقو خانمک تحت
 حمایه سنده بیویوب و پدرندن فلان ماملکنی بونک حسن
 اداره سیله دشمنلرینک حسراتندن بدرجه یه قدر حفظ

ایده بیلشدر خاتقو خانم زوجینک و فائنده بیوک اسکندرک
والده سی (اولمسیاس) کبی زیاده سیله آثار مهارت کوسترک
جانندن زیاده سودیکی جکر باره سنی ایلروده بر بیوک آدم
ایتمک ایچون تربیه سنه اقدام ایلر ایدی پدری وفاتندن اول
تحصیل معارف یولنده کندوسنی چالشدرمغه سعی
وغیرت ایتمش ایسه ده رحله تعلیم و معرفت زانوزده ایدلمک
استنلیدیکی زمان طاع واورمانلره قاجوب قارلر ایچنده
امرار اوقات و بناء علیه دعوت واقعیه اجابتدن اظهار
ممانعت ایلدیکنی کوردکجه مزیات فاضله معرفتی تعیین
اقتدارینی حائزه اولان والده سی اظهار اثار اضطرار ایدردی .
(مابعدی وار) مشار الیه ک سلاله سندن

ع . الهامی



ملاحظات خصوصیه

۸۷ تربیه عمومیه نك دارالفنونى والده ك اغوش مادرانه لری
اولدیغندن مدنی یرلرده اناث مکاتبنه پک اهمیت ویریلور.



۸۸ اقبال ایله ادبار ایکی مبارز تیز رفتاره بکرز که دائماً بری
دیگرینی الت ایده جک جولانکاه ارادقلرندن اقبالک
مسافر اولدیغنی خانه یه ادبارک اوغرامامسی محالدر.

